


宋文鑑

百三十三之四
樂詔哀辭祭文



漢書門類	三八三二	一七二	一四	四八
類	號	函	架	冊

內閣文庫	漢書	三八三二	一四	一五
類	書	號	冊	架

內閣文庫	
番號	漢 3832
冊數	48 (43)
函號	362 43

四十三



宋文鑑

卷一百三十三

日中書局

宋文鑑卷第一百三十三

樂語

教坊致語

勾合曲

勾小兒隊

隊名

問小兒

小兒致語

勾雜劇

放隊

教坊致語

勾合曲

勾小兒隊

淺草文庫

宋

宋

宋

宋

宋

宋

宋

王

王

王

祁

祁

祁

祁

祁

祁

祁

珪

珪

珪

隊名

問小兒隊

小兒致語

勾雜劇

放小兒隊

勾女弟子隊

隊名

問女弟子隊

女弟子致語

勾雜劇

放女弟子隊

集英殿秋宴教坊致語

勾合曲

王

王

王

王

王

王

王

王

王

王

元

元

珪

珪

珪

珪

珪

珪

珪

珪

珪

珪

絳

絳

勾小兒隊

隊名

問小兒隊

小兒致語

勾雜劇

放小兒隊

勾女弟子隊

隊名

問女弟子隊

女弟子致語

勾雜劇

放女弟子隊

集英殿秋宴教坊致語

元

元

元

元

元

元

元

元

元

元

元

蘇

絳

絳

絳

絳

絳

絳

絳

絳

絳

絳

絳

載

勾合曲	勾小兒隊	家名	問小兒隊	小兒致語	勾雜劇	放小兒隊	勾女童隊	隊名	問女童隊	女童致語	勾雜劇	放隊
蘇	蘇	蘇	蘇	蘇	蘇	蘇	蘇	蘇	蘇	蘇	蘇	蘇
軾	軾	軾	軾	軾	軾	軾	軾	軾	軾	軾	軾	軾

會老堂致語

哀辭

哭尹舍人詞	哀穆先文	弔岳二生文	蘇明允哀詞	錢君侍哀詞	鍾子翼哀詞	哭李仲蒙辭	毗陵張先生哀辭	王升之誄	教坊致語
富弼	蘇舜欽	劉敞	曾鞏	蘇軾	蘇軾	文同	汪革	劉跂	宋祁

臣聞椿杓東指披寶典以開年五節南馳重疊隣而講

歐陽脩

好國美春臺之享朝推宴俎之慈用洽樂康式昭熙盛
恭惟尊號 皇帝陛下紹承丕烈奄宅中邦坐黃屋以
訓恭擁綠圖而進道五辰順理九苞告豐圓壁方琮並
薦精純之祀巽風解兩交流曠蕩之恩五刑則解綱盡
冠一尉則垂綵卧鼓鴻休紹至協氣翔臻屬歲朝之申
儀加使華之脩聘爰開廣殿胥慶佳辰王人捧日以揚
輝方文移山而獻壽珍羣南穆晬表顯昂瑞藻躍魚嘉
鑄京之飲酒翠梧傾鳳應韶舞之樅金式均蒙湛之仁
普詠叢雲之旦臣濫巾法部旅進神庭切抃享期敢進
口號 千官星拱侍凝旒紫殿餘寒已暗收日湛露華
浮宴席天回春色徧皇州雲韶三闋翔朱鷺錦幕千層
舞翠虬拭玉隣邦通使節萬齡亨會慶洪猷

勾合曲

宋

祁

玉色凝溫盛慶儀於端日葵心委照同華宴於霈雲矧
韶律以方軌顧羣萌之將達宜陳備奏用洽太和徐韻
宮商教坊合曲

勾小兒隊

宋

祁

綵岫岩堯爛仙葩於曉日霞裾轉炫疊華鼓於春雷鳥
漏木移鸞鶴在御宜進游童之列俾陳逸綬之妍上奉
宸歡教坊小兒入隊

隊名

宋

祁

紫殿開慈宴 青衿綴舞行

問小兒

宋

祁

便娟躡履皆竹馬之髮鬣蹀躞交竿盡蘭觴之雅飾既
樂陶姚之化盍陳象勺之因進叩天階雍容敷奏

小兒致語

宋

祁

臣聞慶朝履端儼鸞瑞而四會寶階馳騁絳虹五以申
歡嘉乃禮成春茲作首爰詔夏渠之饗允昭交泰之期
恭惟 首號皇帝陛下德總右文功宣下武順四時之
和燭濟萬世於夷東海不揚收地無愛寶厲以階賞肇
曆律鳳回春順邦令以布和脩國儀而行慶承雲調露
方諧廣樂之音醕飲陪養普適中衢之賜洽歡心於草
鹿暢羣抃於先驚臣等雖愧妙年同欣盛際既造規滿
之地願陳秉翟之容未敢自專伏候進旨

勾雜劇

宋

祀

回鸞返節已徧於餘妍 舒薦分行聊亭於合奏天顏益
粹日舍方徐宜參優至 芝滑稽式助都場之曼衍童蒙
却立雜劇來歎

放隊

宋

祀

金徒漏改玉罕巡周既殫 雅舞之容復罄歡謠之樂宜
遵矩步歸詠零風再拜天 階相將好去

教坊致語

王

珪

臣聞高廩登秋美采盛之 已報需雲命燕嘉飲食之維
時况寶曆之逢熙復皇年 足乘豫樂與羣臣之飲翕同
萬物之和恭惟尊號皇帝 陛下德邁前王仁敷中寓虎
旗犀甲韜兵武庫之中挂 海冰天獻賚彤墀之下邦有
休符之應民躋壽域之康 恢爽氣於重霄置清觴於別
殿下玳羣之鷄鷺發和奏 之笙鏞於時日上扶桑風生
閭闔度芝蓋於丹城降金 輿於紫闈百獸感和來舞帝
虞之樂羣生遂性如登老 氏之臺固已迫平樂之勝遊
掩栢梁之高會臣繆參法 部獲望清光靡揆才蕪敢進
口號 翠輦鳴梢下未央 千官齊望赭袍光霜清玉佩

中天響風轉金爐合殿香仙路忽驚蓬島近晝陰偏度
漢宮長年年萬寶登秋後常與君王獻壽香

勾合曲

王 珪

露泛帝觴凝九秋之顥氣星聯朝弁燦初日之長暉方
魚藻以均歡宜簫韶之合奏宸遊正洽樂節徐行上悅
天顏教坊合曲

勾小兒隊

王 珪

燕觴飛羽方歌湛露之詩廣樂擬金已極鈞天之奏宜
命遊童之綴來陳舞佾之容上奉皇慈教坊小兒入隊

隊名

王 珪

紅茵鋪禁苑 絳節引僊童

問小兒隊

宸庭廣御仰侔太紫之纏鈞樂更和曲盡咸英之奏何

處采髦之侶輒趨文

陛之前必有所陳雍容敷奏

小兒致語

王 珪

臣聞舜帝深仁衆極
娛矧逢下武之期屢
古之多儀恭惟 尊

暴殄之樂周家盛德時歌在藻之
洽登年之瑞張君臣之廣燕煥令
號皇帝陛下躬神睿之姿撫休明

之運禮樂兼于三代
亭徹候百蠻舞走南
之路今則清商應律

又章邁於兩京矧乃武庫鞞戈戍
踰銅鼓之鄉万里謳謠西出玉關
滯穗盈疇奏肆夏之音事軼元侯

之饗詠嘉魚之什禮
騰頌聲於無既臣等
習舞干之妙趣趨君

父君子之歡足以崇勝會於難追
王陶醜化謬齒伶坊雖在童髦嘗
臣願隨樂節之行未敢自專伏候

進止

勾雜劇

王 珪

華旌炫影觀童舞之七以文盡收聲識鈞音之終曲助
以優人之伎卜為清享是歡上懼宸顏雜劇來歎

放小兒隊

王 珪

銅壺迤箭屢移宮樹之 音路為羽充庭久曳童髦之絲既
闕韶音之奏難停舞綴之容再拜天階相將好去

勾女弟子隊

王 珪

華簪照席再嚴百辟之 趨寶帳更衣復覩中天之坐宜
度仙聲之曲更曰玉舞社之妍上奉皇慈兩軍女弟子入

隊

隊名

王 珪

宮錦作鸞下 仙聲采鳳來

問女弟子隊

三 珪

立徒緩刻延麗日於壺 中翠羽飛觴醉流霞於天上何

仙姿之綽約叩丹陛以踟躕

須有剖陳近前敷奏

女弟子致語

王 珪

妾聞候凝霜降屬百工之生
好矧万機之多豫復千載之

休歌起鹿鳴見群臣之合
盛期啓燕良辰騰歡綿富

恭惟 尊號皇帝嚮明紫極

儲思岩廊邁三皇五帝之

風紹一祖二宗之列候亭如

萬不齊万里之報年庶屢

登又美曾孫之稼時及授如

之候民多擊壤之禧廣慈

惠於前儀慶升平於茲日工

觴盈醴均流湛露之恩翠

虞擬金合奏洞庭之曲感

林於靡極召和樂於無窮

妾等幸遇昌時預陳法部曲

聽鏗純之節來矣臨厲之

容未敢自專伏候進止

二

勾雜劇

王 珪

鸞拂宮茵極七盤之妙態 儼儀僊曲終九奏之和聲方

錫飲之窮歡宜秦優之進正衣顏是奉雜劇來獻

放女弟子隊

王

珪

宮花剪彩恍疑天上之春海日嚙規忽覺人間之暮宜
整羽衣之綴却回雲島之遊再拜彤庭相將好去

集英殿秋宴教坊功致語

元

絳

臣聞顯氣澄爽當金飆沉吻之時岩廊穆清乃黃屋燕
間之日肆陳廣會申惠庶工慶盛世之熙隆夾輿情而
鼓舞恭惟 皇帝陛下允允毓粹三象諸精丕承累洽
之基茂建大中之治縱橫文武聲教塞于天淵出入聖
神威靈震於戎伙方且輯端而朝羣后垂英而揖三皇
光圖麗史之祥紛綸而存至軼漠踰沙之貢竭慶以相
趨運獨化於陶鈞真懷生於仁壽屬商焯之道晷方歲
物之順成特御大庭爰開高宴動詔蹕於丹禁集朝簪

赤墀美樂在陳下九苞

之鳳舞嘉觴來上騰萬歲之

山聲續卿雲復旦之歌合

湛露晞陽之雅臣等叨參法

部幸對威顏上瀆 聖聰

收進口號 秋風閭闔九門

開天上鳴鞘步輦來萬樂

完弦流紫府千官簪佩集鈞

室華胥雲霧凝仙仗南極

生辰入壽杯既醉太平均五

福明良眷載詠康哉

勾合曲

元

絳

金飆日爽慶嘉生登稔之

伴玉座天臨宣惠宴均權之

澤宜按鳳韶之奏載賡魚

梁之歌上奉宸嚴教坊合曲

勾小兒隊

元

絳

簫韶迭奏通天地以均和管組相趨協君臣之同樂亘
命垂馨之侶來陳舞象之谷徐韻宮商教坊小兒入隊

隊名

元

絳

舞羽虞庭樂

歌雲沛水堂

問小兒隊

元 絳

廣樂張庭華茵市地何爾里鱗之侶來瞻宸宸之嚴必
自叙陳分明敷奏

小兒致語

元 絳

臣聞霜氣始肅登萬寶以昭成金行當期奄四夷而率
服乘蕭衣之爽澈開廣宴之光華親御九宸均權百辟
恭惟 皇帝陛下至仁溥博盛德昭清獨觀万化之原
遐踵三皇之武振張禮樂垂王度於區中總攬英雄
建威於徽外神功廣運聖業永昌方黃屋之清居乘素
商之令序肆瑤席於黼帳下 調輿於紫闈壽學九行權
聲動而六鼇抃鈞籥八闕和氣浹而丹鳳翔仰屬重熙
誕膺多福巨等甫當鬻鬻 平閱聲明習戲康衢嘗為於

蹈舞進趨文陛願效於伎能未敢自重伏候進止

勾雜劇

元 絳

疊鼓凝簫未已九成之奏垂髻佩鞞暫分八佾之行宜
陳優戲之容上奉威顏之樂再更妙引雜劇來歎

放小兒隊

元 絳

金骨漏緩玉案香濃天酒千鍾眷眷紳之具醉童衣五
絲促步武以將歸再拜天階相將好去

勾女弟子隊

元 絳

日轉彤墀香飄繡座宜旅陳於舞綴以仰奉於宸權上
悅天顏兩軍女弟子入隊

隊名

元 絳

承雲鈞籥合回雪舞桂輕

問女弟子

元 絳

翠華日麗玉殿風清飄然妙舞之容來此丹塗之地帝
暉在望畫漏已移必有叙陳分明敷奏

女弟子致說

元

絳

妾聞周詩既醉二歌均五福之祥漢宴無譁國禮重九
儀之序方戒肅霜之候特推湛露之恩百辟相趨三靈
共悅恭惟 皇帝陛下握樞臨極秉錄御乾道昭五聖
之光孝奉兩宮之養聰文若古動雲漢之明回智武如
神馳雷霆之震赫恭戎率服稼穡阜成當秋籥之澄疑
方政機之暇豫轉清蹕於黃道集華簪於赤墀汎齊千
鍾共享衢樽之美咸池九奏具聞天籟之和維茲燕愷
之娛屬是休嘉之會皇太后陪樂府得踐宮塗望咫尺
之感實次於天幸效以踴躍之舞願奉於宸權未敢自專
伏候進止

勾雜劇

元

絳

舞佾徊翔已奉建章之會倡俳調笑宜來平樂之場上
悅天顏雜劇來敷

放女弟子隊

元

絳

香凝繡幄聽玉漏之頻移日轉文茵顧霓裳之夕駐已
盡七盤之妙宜還三洞之遊再拜天階相將好去

集英殿秋宴教坊致語

蘇

軾

臣聞天無言而四時成聖有作而萬物覩清淨自化雖
仰則於帝心愷悌不回亦悅同於衆樂屬此九秋之候
粲然萬寶之成吾王不遊何以勞農而休老君子如喜
則必大亨以養賢恭惟 皇帝陛下孝通神明仁及草
木行堯禹之大道守成康之小心華夷來同天地並應
以謂福莫大於無事端曷加於有年南極呈祥候秋分

而老人見西夷慕義涉流沙而天馬來嘉與臣工肅陳
燕俎禮元侯於三夏諧庶尹於九成宣示御觴聳近臣
之榮觀臚傳天語溢兩廡之歡聲臣等幸觀昌辰叨塵
法部採謠言於擊壤助矇瞍之陳詩仰奉威顏敢進口
號 霜霏碧瓦尚生煙日以彤庭已集仙藹藹四門多
吉士熙熙萬國夔豐年高秋爽氣明宮殿元祐和聲入
管絃菊有芳兮蘭有秀從一臣誰和白雲篇

勾合曲

蘇軾

西風入律間歌秋報之詩 南籥在庭備舉德音之器絃
匏一倡鐘鼓畢陳上奉宸嚴教坊合曲

勾小兒隊

皇慈下逮罄百執以均勸 衆技畢陳示四方之同樂宜
垂賢之侶來脩秉翟之儀上奉威顏教坊小兒入隊

隊石

蘇軾

登歌依頌磬下管舞成童

問小兒隊

大君有命肆陳管磬之音童子何知入造工師之末欲
詳來意宜悉奏陳

蘇軾

小兒致語

臣聞天行有信止得秋而萬寶成君德無私日將旦而
羣陰伏清風應律廣樂在庭占歲事於金襍望天顏之
玉粹沐浴膏澤詠歌升平恭惟 皇帝陛下天縱聰明
日躋聖知無一物之失所得萬國之驩心雖擊壤之民
固何知於帝力而後天之祝亦各抒於下情臣等幸以
齠齔之年得居仁壽之域詠舞粵於沂水久樂聖時
銅鞮於漢濱空慙俚曲願陳舞綴少奉宸驩未敢自專

伏候進止

勾雜劇

朱絃玉瑄夔進清音華翟文竿少停逸綴宜進談諧之
技少資色笑之歡上伏天顏雜劇來歎

放小兒隊

蘇 軾

向翔丹陛已陳就日之誠合散廣廷曲盡流風之妙歌
鐘告闕羽籥言旋再拜天階相將好去

勾女童隊

蘇 軾

錦薦雲舒來九成之丹鳳霞衣鱗集隱三疊之靈囂上
奉宸嚴教坊女童入隊

隊名

蘇 軾

香灑浮纈展花浪舞彤庭

問女童進隊

蘇 軾

清禁深嚴方縉紳之雲集仙音擘緩忽簪珥之星陳徐
步香茵悉陳來意

女童致語

蘇 軾

妾聞勾天廣樂空禱帝所之游閭闔清風理絕庶人之
共夫何僊聖靡隔塵凡仰瞻八采之威自慶千齡之遇
恭惟 皇帝陛下乾德而粹離明而文規摹六聖之心
人將自化儀刑文母之德天且不違樂茲大有之年申
以示慈之會虞韶既畢夏箒將興妾等分綴以頌審音
而作願俟上歌之闕少同率舞之歡未敢自尊伏取進
止

勾雜劇

蘇 軾

絃匏迭奏于羽畢陳洽聞舜樂之和稍進齊諧之技金
絲徐韻雜劇來歎

文百卅三

五十三

放隊

蘇軾

羽觴湛湛方陳既醉之詩鼙鼓淵淵復奏言歸之曲峨
鬢行立斂袂却行再拜天階相將好去

會茗堂致語

歐陽脩

某聞安車以過四方禮典雖存於往制命駕而之千里
交情罕見於今人伏惟致政少師一德元臣三朝宿望
挺立始終之節從容進退之宜謂青衫早並於俊遊白
首各諧於歸老已釋軒裳之累却尋雞黍之期遠無憚
於川塗信不渝於風雨幸會北堂之學士方為東道之
主人遂令潁水之濱復見德星之聚里閭拭目覺陋巷
以生光風義眷聞為一時之盛事敢陳口號上贊清歡
欲知盛集繼荀陳請看當筵三與買金馬玉堂三學士
清風明月兩閒人紅芳已盡綠猶轉青杏初嘗酒正醇

美景難并良會少乘歡舉首莫辭頻
哀辭

哭尹舍人詞并序

富弼

亡友河南尹洙字師魯嘗為起居舍人直龍圖閣知滑
州乙酉歲謫官漢東未幾稍遷于均疾且革訪醫商陽
以託范公醫不效遂沒為時予官汶上又東徙乎廬距
其沒所遠甚歎師魯之不得見復不得撫其觀一祭其
神因追思其平生所可列恨未有以卒其志為辭而哭
之 嗚呼人皆責君實悻焉人皆富君實窶焉人皆老
石實天焉吾知君為深是三者舉非君之志不吾為哭
天必義始君作文世重淫麗諸家姪殊大道破碎漫漶
賈詞不立根祗號類孺朋爭相教慕上翺公卿下與
利君子厥時了不為意獨倡古道以救其蔽時俊化之

誠文之詣今則亡矣使斯文不能救其源而極其致吾
天以哭之始君為學遭世乖離掠取章句屬為文詞經
有仁義曾非所治史有褒貶亦弗以思君願而歎嫉時
之為鈞扶六籍潛心以稽上下百世指掌而窺功不苟
延習無匪彝今則亡矣使所學不能信于人而用于時
百是以哭之惟文與學二事既隆充用而衷豐于時窮
紀深蘊積資而為德行乎已而已必裕形乎家而家必
允今則亡矣使賢者之行不能化人心而化大國吾是
公哭之積德既成道隨而生謀固不究動必有經列于
死則以蹇諤見熱于邊則以威儀取寧才望既出讒嫉
興酷罰嗣降愠色不形今則亡矣使君子之道不能
以天下而致太平吾是以哭之嗚呼師魯君子生于時實
恢奇鐘此具美謂必有光大以奮康濟是期胡既厚

其稟而反速其萎几粵中蘊百三云一施豈茫茫下上天
亦有所不知耶將真真上穹人固非其所司耶何惡不
必豐而善不必視忠良而夫險狠而著汨淆參錯顛倒
非睽天其或者世不欲常泰人不欲常熙吾疑夫激者
之論差不得而信之第於師魯哭無已而一哭而慟飛
天而咽三哭而奄離四哭而鵬絕蘇而復哭哭又不足
聊以寫吾之哭聲而寓于辭庶不泯沒於陵谷

哀穆先生文并序

蘇舜欽

嗚呼穆伯長以明道元年夏客死於淮西道中友人蘇
叔才子美作詩悼之遣人馳弔之痛夫道不光于又次
真一二行以鑑于世為文哀之先生字伯長名脩號轡
書不事章句必求道之本原皆記士徒無意處孰言評
論之性剛介喜於背俗不肯下與庸人小合願交者多

固拒之議事聖明上下合古皆可錄然好詆卿弼斥言
時病謹細後生畏聞之又獨為古文其語深峭宏大蓋
為禮部格詩賦咸平中舉進士得出身調泰州司法參
軍牧守稱其才貳郡者惡之又嘗以言忤貳郡者守病
告貳者私黠吏使誣告先生賂具獄聚左證後召先生
使衆參考之由是貶池州中道竄詣闕下叩登聞鼓稱
免會貳郡者死復受譴於朝後累恩得為蔡州參軍先
生自廢來讀書益勤為文章益振抵於道然恥以文干
有位以故困甚張文節守毫毫之士豪者作佛廟文節
便以騎召先生作記記成竟不實士名士以白金五斤
遺之曰枉光生之文願以此為壽又使周旋者曰亡所
以遺者乞載名于石圖不朽耳既而亟召士讓之投金
庭下遂儼裝去郡士謝之終不受嘗語之曰寧區區糊

口為旅人不為匪人辱吾文也天聖末丞相有欲置為
學官者貳詣謁之竟不得嘗客京師南河邸中往往醉
暮歸湯地如不省持者夜半邸人猶聞其吟誦嗚嗚聲
因隙窺之則張燈危坐苦曠執卷亦出矚用是貸其資
母喪徒跣自負纒成葬日誦孝經喪記未嘗觀佛書飯
浮屠氏也識者哀憐之或厚遺則必為盜取去不然且
病或妻子卒後得柳子厚文刻貨之售者甚少踰年積
得百緡一子輒死將還淮西遇病氣結塞曾中不下遂
卒噫吁天之厭文久矣先生意以黠廢窮苦終其身願
其道宜不容于今世然由賦數琦隻常羅兵賊惡少輩
所辱因其節行至死不變有孤孺且幼遺文散墜不收
伯長之道竟已矣乎初先生死梁堅自解以書走上黨
遺予欲訪其文俾予集序之去年赴舉京師歷問人終

不復得一篇惟有任中正尚書家朝碑靜勝亭記徐生
墓志蔡州塔記皆平昔所為又不足成卷今舅氏守蔡
近以書使存其家且求所著文字未至問作文哀之道
不勝於命命不會於時吁嗟先生竟胡為

平岳二生文并序

劉

啟

今年有詔州郡皆立學乃命處士有不愛學者勿舉之
其受學者吏為設員程日夜不休有疾病慶弔輒書其
日為後按既當償之滿日如律令乃可與岳有兩王自
下邑辭其親而來為博士弟子既久告歸當渡洞庭時
方大風不可渡兩生畏失期而吏黜之遂渡溺死予悲
其意而弔之其文曰 蓋君子道而不徑舟而不游所
以為孝也彼洞庭之天險兮夫何二子之乘舟路幽昧
以不顧兮委死生其若浮自古皆有死兮子獨失身乎

江流意有所恨兮而曾不得其日竟放蕩而無歸兮骨
沉潛而不收父母悲於堂上兮妻子號乎中洲諒行險
之來患兮信微幸之為尤且使子而無學兮又安得此
之憂是以君子溺名小人死利夸者沒權貪夫踏勢豈
獨二子兮吾又以悲於今之世競進之為悅兮靜退之
為愚干祿之為敏兮守節之為迂一世之皆然兮固若
人以喪軀昔重華之事叟兮躬秉耒乎歷山之下受帝
禪之不喜兮夫孰欣於進取乘沉湘以南征兮吾知華
之絕汝生汎汎而無名兮死惇惇而終古故君子審乎
自得安乎幽貞道德為爵仁義為榮不以貴故學問不
以賤故自輕悠悠兮江波奈何乎二生

蘇明允哀詞并序

曾

鞏

明允姓蘇氏諱洵眉山人也始舉進士又舉茂才異等

皆不中歸焚其所爲文閉戶讀書居五六年所有既富矣乃始復爲文蓋少或百字多或千言其指事析理引物託諭後能盡之約遠能見之近大能使之微小能使之著煩能不亂肆能不流其雄壯俊偉若決江河而下也其輝光明白若引星辰而上也其略如是以余之所言於余之所不言可推而知也明允每於其窮達得喪憂歎哀樂念有所屬必發之於此於古今治亂興壞是非可否之際意有所擇亦必發之於此於應接酬酢萬事之變者雖錯出於外而用心於內者未嘗不在此也嘉祐初始與其二子軾轍復去蜀遊京師今參知政事歐陽公脩爲禮部又得其二子之文擢之高等於是三人之文章盛禱於世得而讀之者皆爲之驚或歎不可及或慕而效之自京師至于海隅障徼學士大夫莫不

人知其名家有其書既而明允召試舍人院不至特用爲秘書省校書郎頃之以爲霸州文安縣主簿編纂太常禮書而軾轍又以賢良方正策入等於是三人者尤見於時而其名益重於天下治平三年春明允上其禮書未報四月戊申以疾卒享年五十有八自天子輔臣至閭巷之士皆聞而哀之明允所爲文有集二十卷行於世所集太常因革禮一百卷更定謚法二卷藏於有司又爲易傳未成讀其書者則其人之所存可知也明允爲人聰明辯智遇人氣和而色溫而好爲策謀務一出已見不肯躡故迹頗喜言兵慨然有志於功名也二子軾爲殿中丞直史館轍爲大名府推官其年以明允之喪歸葬於蜀也既請歐陽公爲其銘又請余爲辭以哀之曰銘將納之於壤中而辭將刻之冢上也余辭不得

乃爲其文曰嗟明允兮邦之良氣其美兮志則疆閔今
古兮辨興亡驚一世兮擅文章御六馬兮馳無疆決大
河兮嚙浮桑繫星斗兮射精光衆伏玩兮彫肺腑自京
師兮泊幽荒矧二子兮與翱翔唱律呂兮和宮商羽峨
峨兮勢方颺孰云命兮變不常奄忽遊兮沐之陽維自
著兮暉煌煌在後人兮慶彌長嗟明允兮庸何傷

錢君倚哀詞

蘇

軾

大江之南兮震澤之北吾行四方而無歸兮逝將此焉
止息豈其土之不足食兮將其人之難偶非有食無人
之爲病兮吾何不可獨褻回而不去兮眷此邦之多君
子有美一人兮瞭然而瘦亮直多聞兮古之益友帶規
矩而蹈繩墨兮佩芝蘭而服明月載而之世之人兮世
得堅而不荅其何喪兮超方揚而自得吾將觀子之進

退以自小兮相行止以效清濁子奄忽而不返兮世溷
混吾焉則升空堂而挹遺象兮弔凝塵於几席苟律我
者之信亡兮吾居此其何益行傍徨而無徒兮悼捨此
而奚嚮豈存者之舉無其人兮遠遯如晨星之相望吾
此年而三哭兮堂堂皆國之英苟處世之恃友兮幾如
是而吾不亡臨大江而長歎兮吾不濟其有命

鍾子翼哀詞并序

蘇

軾

某年始十二先君官師歸自江南曰吾南游至虔有隱
君子鍾君與其弟槃從吾游同登焉祖巖入天竺寺觀
樂天墨迹君不飲酒君常置醪焉方是時先君未爲時
所知旅游萬里舍者常爭席而君獨知敬異之其後五
十有五年某自海南還過贛上訪先君遺迹而老皆無
在者君之沒蓋二十有一年矣見其子志仁志行志遠

相持而泣念無以致其哀者乃追作此詞君諱葵字子
翼博學篤行為江南之秀歐陽永叔尹師魯余安道曾
子固皆知之然卒不遇以沒儂智高叛嶺南聲搖江西
虔守曹觀欲籍民財為戰守備謀之於君君曰智高必
不能過嶺無事而籍民民懼且走觀曰如緩急何曰同
舟遇風胡越可使為左右手况吾民乎不幸而至於急
則官與民為一家夫孰非吾財者何以籍為觀悟而止
虔人以安其詞曰崆峒摩天章貢激石致兩確高深相
臨悍堅相排凶嶽嶽是故其民勇而尚氣巧鑿斲而其
君子抗志厲節敏於學矯矯鍾君泳于德淵自澡濯貧
不怨天困不求人老愈熱嘉言一發排難解紛已殘剝
吾先君子南游万里道阻邈如金未鎔木未蠲墨玉未
琢君於衆中一見定交陳禮樂曰子不飲我醪其甘醜

此濁覽觀江山扣歷泉石步筭確九君北歸君老子虔
望南朔我來易世池臺既平墓木已怪三子有立移書問
道過我數我亦白首感傷薰心殞涕渥是身空虛俯仰
變滅過電電何以寓哀追頌德人詔後覺

哭李仲蒙評

文同

楷僚栗兮臨清秋懷空憤兮紛予憂拂其弭兮又復留
念將焉適兮升高丘問胡然兮予之思緬予心兮不解
以繆謂遐闊兮願如其宮悵西南兮川塗緬脩已忽寤
兮往嘗此以計蓋子之生于世兮期為已休萬感芸然
兮盡予之中臆幹漂瀆兮索其若抽念子一去兮不可
以復見顧子之於道兮尚胡為而此謀欲子似兮取支
但寥寥兮安求孰識子兮子深當何人兮與侔彼徒以
文行兮為子之高其不為賤正體而貴餘肱如刻畫兮

妾以累子類神珠兮覺天球如子之末方尚可以表世
其不能究者方彼又何尤已矣乎子之存兮在予憶子
之疲兮將何時而司瘳斂予恨兮暮來歸煙雲飄蕭兮
奉子以愁

毗陵張先生哀辭 汪 革

毗陵有隱君子曰張先生孝弟脩于家忠信行於友而
聲名聞於人達於遠近當世之鉅公偉人莫不聞之有
過毗陵而不造先生之門者人以為恥平居蕭然自得
凡世人之所趨而向者先生不一經意至接世俗而與
之酬酢則無一毫不中節度人委之以事未嘗以難易
為解有造之者為設尊酒一笑如和樂亦未嘗不欣然也
有勸之仕者推挽雖甚力終不應固非若前世隱遁之
士事詭激甘槁薄臞悴於山阻小厓窮君獨游使影響

昧昧不聞於人然後且
宗族之譽自少力學於
語皆清新出人意表其
欲銘述其先人功德圖
榮既壯長益放棄世事
先生講學字辛厚用叔
治平四年甲科調睦州
無兄弟之助獨養其親
不忍舍朝夕之養而從
不汲汲於先生遂不赴
近臣薦起為潁州學官
淳夫及外臺交薦其能
縣以禮遣蓋將用之也
先生終不屈嗚呼今死矣予以

心高也而未嘗崇飾小節要鄉
古書無所不窺而時發於為詩
善於筆札天性也當世上大夫
不朽於後世者得先生書以為
遂以終其身是可謂君子也已
相天章公品之奏補郊社齋郎
青溪主簿先生初無意於仁又
故力取科第以慰親志既得又
祿於他郡朝奉君亦安於小官
肯溪終其身人不能相吏後用
復不就其後孫莘老胡完夫范
蘇子瞻亦數言於朝於是勅郡

天章公婿自先生幼時已異其為人而親厚之先生亦喜從吾兄弟遊及長且石凡四五十年間其相與之意益以篤有自東南來者先生未嘗不導之以見予予與之書雖寸紙皆藏之故其死也子哭之尤哀曾祖秘給事中祖益之尚書郎父次道朝奉郎其先江南人給事為李氏不能用故亡隨李氏入朝以直道受知于祖宗朝奉君仁孝慈祥兄死孤猶已子不欲遠去屢以筭庫請于朝終不大用於時先生之節蓋朝奉君成就之為多詞曰 雖古制行必中庸考出處用舍道之從否降及末世矣不通考首陽柱下更拙工考山棲木茹初無庸考鳥獸之羣鳥可曰考偉哉先生蹈屨中考達不荀進退不窮考以仁為公則峻且崇考祿雖不富義則豐考忠信孝友施家邦考以戰瞻眉守心則降考激貪啟薄

助教風考固非亂公而索躬考惠泉遼遼山複重考育然其深如有容考桂枝相繚舊青葱考先生之廬今一空考自極東南涕沾曾 仰之以詞寫予衷考

王升之誄 并序

劉 跋

維政和二年五月壬戌鉅野王君升之卒于京師七月丙辰返柩於鄆鄉人所厚善皆會哭其孤兒孟博出臨終書二紙遺余言嚙不幸病且死妻弱子幼恐此骨流落不得下從先人伏惟哀憐與諸賢經紀之書凡百餘字語無錯繆問其家言病甚棺斂皆自營將絕付囑後事情不悲哽既授書其子教以面達余狀遂奄忽不能言余屬皆哭盡哀因相與定計告其家以八月乙酉葬先墓之內允囊橐中空無有賣屋未即售合凡賻贈得錢九萬五千乃使斲石治窆買椽席交葦諸下里物事

皆前爲之期如期而定君黃州翰林公之元孫寶文公
之子少不羈既長學問尤邃漢書效李長吉爲詩有致
思葬其親至破產雅不喜_二熾_一齋又體羸多疾日事藥餌
因積貧寔得官未及赴_二疾_一亟壽財四十有一惟前人悲
哀稱述必昔文字乃作_二詩_一以見意其詞曰 大鈞無恨
一播萬殊_二糜生不遂_一條_二法_一迷紛敷孰戕爾根隆夏墮枯哀
衆若人亦孔之辜偉君尚門一世措撫遺烈言言休聲
具兵爰及穆考養德豐_二狀_一維君妙齡孔鸞將雛踵武前
修建旆禮輿逢辰清明如馬言馳驅壽或松梅罔所適徂
機心日灰驕色自_二耨_一名_二到仕_一版自佚里間優游卒歲文
史爲娛毓草藝木畦苑_二時_一踏良朋萃止肴設醴_二刺_一示
其私益不宿儲寧獨貧_二攻_一亦復病拘蕭然壁立_二副_一是
瘠休文華帶許月有餘_二以安_一絮帽當身不除乳石_二墮_一下

糜粥充虛長爲散人庶以全軀云胡遠行旅舍僮拘沈
痾頓劇顛倒_二醫_一坐東野後事孝權遺書豈無他人顧以
屬余嗚呼哀哉壯心_二摧頹_一白日_二須臾_一永違_二芳_一昭代
不_二淪_一芳_二幽墟_一大暮_二芳_一何晨_二真行_一芳_二空居_一嫠婦_二芳_一嗷嗷_二勿_一
子_二芳_一呱呱_二誰與_一芳_二晤歌_一猶在_二芳_一變_二魑_一謂君_二芳_一非存_二君_一墨
子_二猶濡_一謂石_二芳_一非亡_二君_一羣_二芳_一誰廬_二折_一芳_二馨_一芳_二素華_一湛玉
瀝_二芳_一清_二醕_一況思君_二芳_一不見_二攬_一涕_二淚_一芳_二歛_一歔_二嗷_一嗚呼哀哉
物化之徂遷慨有生之迷途何神爽之泰定臨驚懼而
弗_二逾_一遵寧宅於先丘爲幽憤於素楨庶無愆於遺託君
亦不味夫所如

宋文鑑卷第一百三十三

祭文

祭薛尚書文

祭尹子漸文

祭尹師白文

祭蘇子美文

祭范公文

祭杜公文

祭石曼卿文

祭丁學士文

祭吳大資文

祭孫漢射文

祭孔平丞文

代諸朝賢作

歐陽

歐陽

歐陽

歐陽

歐陽

歐陽

歐陽

歐陽

宋

石

脩

脩

脩

脩

脩

脩

脩

脩

介

介

祭僕外王沂公文

尹洙

祭梅聖俞文

劉敞

告伯父文

劉敞

祭范州文

王安石

祭吳州文

王安石

祭杜文

王安石

祭尚書文

歐陽脩

景祐之元公初以解政雖告于家而疾未病若脩之鄙敢辱公知公於此時欲以女歸公德方隆謂當再起齊大之婚敢辭以拙且夫不慙遺公薨忽然其後二年卒追前言生死之間以公成公志掛劍于墓古人之義公敏於材剛毅自勵不顧不隨以直而遂命也在天位則難期惟其行已敢言且死師有罪之身官卒因拘生不及門葬不

送車致誠薄英因道終初

祭尹子漸文

歐陽脩

嗚呼天於萬物與吾人孰愛憎而薄厚其生未始以一齊其死宜其有夭壽苟百年者亦死則短長之何較惟善人之可喜謂宜在世而常存曰仁者壽兮是亦愛之者之說謂善必福方得非以已而推天禍福吉凶至其難通雖聖人亦曰命而罕言方豈其至而辭窮壽夭置之吾不能問嗟乎子漸吾獨有恨我不見子於今幾時自子得懷始有見期子不能來我欲亟往子今安歸我往何訪昔我在朝諫官侍從職當薦賢知子不貢朋黨之誣苟避讒諷兩相知而以心謂尺書之不用遂聲音之永隔哭不聞而徒慟嗟此莫之一觴本冀歡言之可共往莫及兮難追哀以辭而永送

祭尹師魯文

歐陽脩

嗟乎師魯辭足以窮万物而不能當一獄
 四海而無所措其一身窮山之崖野水之
 麋鹿之羣猶不容於其間兮遂即萬鬼而
 魯世之惡子之多未必若愛子者之衆何
 其得非命在乎天而不在于乎人方其奔顛
 屯舉世皆冤而語言未嘗以自及以窮至
 見其悲忻用捨進退屈伸語默夫何能然
 其握手為訣隱凡待終顏色不變笑言從
 既己能通於性命憂患之至宜其不累於
 逝善人宜哀子能自達子又何悲惟其師
 之舊情之難忘言不可究嗟乎師魯自古
 物惟聖與賢雖理不沒尤於文章焯若星
 日子之所為

後世師法雖嗣子尚幼未足以仲予而世
 無於墜矢子於衆人最愛予又寓辭千里
 以慰子聞乎不聞
 人藏之庶可
 陌此一鐫冀

祭蘇子美文

歐陽脩

哀哀子美命止斯邪小人之幸君子之嘆
 屈龍蛇風雲變化雨露交加忽然揮斧霹
 遭之心驚膽落震仆如麻頃更霽止而回
 草木開發萌第子於文章雄豪放肆有如
 邪嗟呼世人知此而已貪悅其外不窺其
 窮達之際金石雖堅尚可破碎子於窮達
 人不如乃窮至此蘊而不見遂以沒地獨
 後世嗟世之愚掩抑毀傷譬如磨鑑不滅
 短萬世之長其間得失不待較量哀哀子
 美來舉予觴

祭范公文

歐陽 脩

嗚呼公乎學古居今待方入圓立斬之艱其道則然公曰彼惡公為好許公曰彼善公為樹開公所勇為公則躁進公有退讓公為近名讒人之言其何可聽先事而斤羣譏眾排有事而思雖仇謂材毀不吾傷吝不吾喜誰非公徒讒人豈多公志不舒善不勝惡豈其然乎成難毀易理文然歎嗚呼公乎欲壞其棟先摧榑榑傾巢破殼披折傍枝害一損百人誰不罹誰為黨論是不仁哉嗚呼公乎易名謚行君子之榮生也何毀沒也何稱好死惡生殆非人情豈其生有所嫉而死無所爭自公云亡謗不待辨愈久愈明由今可見始屈終伸公其無恨寫懷平生寓此薄奠

祭杜公文

歐陽 脩

士之進顯於榮祿者莫不欲安享於豐腴公為輔弼欲食起居如陋巷之士壤堵之儒他人不堪公處愉愉士之退老而歸休者所以思自放於閑適公居于家心在于國思慮精深言辭感激或達且不寐或憂形于色如在朝廷而官有責嗚呼進不知富貴之為樂退不忘天下以為心故行於已者老益篤而信於人者久愈深仁之愛公寧有厭已壽胡不多八十而止自公之喪道路嗟咨况於愚鄙久辱公知繫官在朝心往神馳送不臨穴哭不望惟啣絳寫恨有涕漣漣

祭石曼卿文

歐陽 脩

嗚呼曼卿生而為英死而為靈其同乎万物生死而復歸於無物者暫聚之形不與万物共盡而卓然其不朽者後世之名此自古聖賢莫不皆然而著在簡冊者昭

如日星嗚呼曼歟吾不見子久矣猶能髮鬚子之平生
其軒昂磊落突兀爭嶸而埋藏於地下者意其不化為
朽壤而為金玉之精不然生長松之千尺產靈芝而九
莖奈何荒煙野蔓荆棘縱橫風淒露下走燐飛螢但見
牧童樵叟歌吟而上下與夫驚禽駭獸悲鳴躑躅而呼
嚶今固如此更千秋而萬歲兮安知其不穴藏狐貉與
鼯鼯此自古聖賢亦皆然兮獨不見夫纍纍乎曠野與
荒城嗚呼曼歟盛衰之理吾固知其如此而感念疇昔
悲涼悽愴不覺臨風而隕涕者有媿乎太上之忘情

祭丁學士文

歐陽脩

嗚呼元珍善惡之殊如火與水不能相容其執然爾是
故鄉人皆好孔子不然惡於不善然後為賢子之美才
懿行純德誰稱諸朝當世有識子之憔悴遂以湮淪間

孰思子可知其人毀善之言譬
而已小人得志暫快一時要其
謗無如仲丘魏然衣冕不祀桓
名尊四子不數臧君是以君子
營一世殆榮華之銷歇嗟泯沒
死為狗彘惟一賢之不幸歷千
死至今獨弔乎沈湘彼靈均之
不遭羅於放斥未必功顯而各
彰然則彼讒人之致力
乃借譽而揄揚嗚呼元珍道之
何孔孟亦然何以慰子聊為此
言寄哀一奠有涕漣漣

祭吳大資文

歐陽脩

惟公以孔孟之學晃董之文佐
庸繆敢啓光塵而金門玉堂早
接雋遊之未紫樞黃閣

晚陪國論之餘雖出處之略同在進退而則異余實衰
病久思返於田疇公方盛年宜復還於廊廟豈期白首
來哭素帷飲醉百分尚想平生之意氣爲哀一奠不知
涕淚之縱橫

祭孫僕射文代諸朝賀作宋祁

嗚呼圓方相函有奧有清稟乎粹靈賢人挺生筮宰相
期有睽有遇值其嘉會盛烈斯舉允矣我公懿德乘時
揆是二美蔚爲人師齊風泱泱沐浴閭閻弱齡就傳典
學書紳巾箱襲積油素紛綸神宗御天擢首儒先所立
卓爾其聲震然一命筮仕十銓必啓緩袂緇帷繡經壁
水禮有愛羊何無渡豕我冠兩梁我絃斯皇進陪朝禮
兼侍潘房諸家去聖詆謀奪攘空言批釋異制術揚公
情若時毅然言章層岬發墨塞路摧陽說說學徒終知

尚方章聖臨馭神庭博字命公待詔軒然鳳舉邦實上
賢人榮稽古鯁亮摩切優游博裕匪尺是枉伊柔弗茹
前腴哀惟叩頭省戶砥刃以須袞章輒補謀之其職弊
庶端沮帝念蒸黎連翩出塵奉行細扎褻去垂惟神明
樹政樂職聞詩居則率俾去而見思乃踐諫齋乃官瑣
闈長君繼明進階貳卿追銘越召燕席光亨宣室清問
華光授經有猷有爲弗猥弗并典常墳大武戒湯銘誦
言必對嘉猷是經曰自魁壘與世作程銀臺崇崇公閱
其封牧騶耳耳公專厥使或司綿葛或教國子惟公得
之異乎末之截河非溷導疑靡虧大車而載秋陽以輝
鷓飛冥冥不慕矰弋公居法從志澹虛拯抗章引年闔
門謝客上所固留願焉弗獲龍筮納言得請東藩奎鈞
灑翰宴筭由恩亦命四近賦詩贈言卧閣踰歲乞骸去

位春坊傳席莞裘仙里疎受揮金式宴以喜廣德掛車
贈孫及子天且佚若君能知止嚮用五福與善則常公
明且哲宜壽而昌天乎弗淑藜藿舊穢良皖筭占命忠言
孔彰玉輝金相掩此不場人舜代矩令也云云士類相
弔朝家憫傷恤因告第號書密章高明令終微公孰當
某等或奉緒言或麻大庇游藩蒙潤挹流疏穢平日函
文今茲交臂拘此宿官永乖薄醉有李成蹊有碑墮淚
遐齋令芳庶展哀愴嗚呼哀哉

祭孔中丞文

石介

昔公為諫議大夫知兗州臣僚有以詩千篇獻上者執
政者即請進為龍圖閣直學士上曰千首詩豈若孔某
一言即日拜公龍圖閣直學士公再為中丞風格益峻
及公沒劉平戰死于陣讒賊害忠良誣奏平非戰屈乃

叛耳天子怒將夷平家平家胥孽就闕冤號道途達闕
唱中丞來平家將叩中丞馬言其事兩街賣販兒以數
千嘆曰徒往許耳是非孔中丞者乎家慟哭而止噫至
尊極者君至愚暗者民尊極則不信愚暗則難開非公
至忠豈能動尊極耶非公至誠豈能感愚暗耶動乎尊
極感乎愚暗公之道格于上下矣嗚呼公之生也君稱
之公之死也人感之公之道全於死生矣夫道格于上
下為著全于生死為難舉是二節公之道充于天地之
間矣大冬殘臘風號雲咽節物悽淡心肝摧折爐烟氣
盪樽酒冷烈享誠不享味公來降茲

祭王沂公文

尹洙

景祐初公臨洛師其在幕府公以才敏見目數被器使
議獄處事其或依違其言公之丁寧勗以正道及公再

秉大政嘗以身事有請門下公莊色厲辭不少恩假某始懼中懷終則大悟嗚呼凡公語言雖因事見誨然公在大位默不敢傳公今薨謝輶錄以自思一言之誣天實墜之以衰服不獲備故吏之列情禮莫伸嗚呼哀哉

祭梅聖俞文

劉敬

謹以清酌庶羞祭于聖俞二十五兄之靈乃者鄰幾病革君往問之退而過我相對嗟咨我視君色異於他時自為君診勸君從醫君雖我信其中猶疑明日大饗四方來賀奉觴上壽戎客在坐百辟相趨敢或私卧賜食上前謹懼已過疾果大作仆不能起俗醫控搏以表為裏中涸外乾食氣如燬勢一大跌不得中止俯仰晨夕遂有生死痛駭驚呼且云能已孰謂旬日殺二賢士嗚呼哀哉物固有生因有命豈曰君子獨大其性君之

文學信于友朋君之孝友鄉黨是補仕不過庸壽不百齡一至于此何其不平喪還故鄉義從此訣哭送道周情豈能絕

告伯父瓊文

劉敬

古者庶人之喪鄰里執事其在士千里赴義及其送葬塗潦毋避焉有至親而或不至某獨不幸受命典城戎馬是司匍匐不能不哭于堂不祖于堂不祖于庭窆不復士虞不奉牲回望萬里悲號失聲門外之治玉命實行蓋古亦云不即人情於奠陳詞以昭及誠

祭范潁州文

王安石

嗚呼我公一世之師由初迄終名節無疵明肅之盛身危志殖瑤華失位又隨以斥治功亟聞尹帝之都閉寇興良推子歌呼赫赫之家萬首俯趨獨繩其私以走江

湖士爭留公蹈禍不標有危其辭調與俱出風俗之衰
駭正怡邪蹇蹇我初人以疑嗟力行不回暮者興起儒
先酋酋以節相侈公之在貶愈勇為忠緒前引古誼不
營躬外更三州施有餘澤如醜河江以灌尋尺宿臧自
解不以刑加猾盜涵仁終老無邪講藝茲歌暮來千里
瀟川障澤田桑有喜戎孽獮狂敢齒我疆鑄印刻符公
屏一方取將於伍後常名顯收下至佐維邦之彥聲之
所加虜不敢頰以其餘威走敵完鄰昔也始至瘡痍滿
道藥之養之內外完好既其無為飲酒笑歌百城晏眠
吏士委蛇上嘉曰材以副樞密稽首辭讓至于六七遂
參宰相釐我典常扶賢贊保亂不遂歸侍帝側卒異于
於鄉百治具修偷隨勉強徒闕為神乎孰忍使至於斯
外身屯道塞謂宜耆老尚有以

蓋公之才猶不盡試肆其經綸
庫逾空夷其色辭傲訐以容化
公子粹綿惡栗閔死憐窮惟是
家孰理于深執鍊乎厚其傳其
邦國之曼矧鄙不肖辱公知尤
哭馳辭以贊醪羞

功孰與計自公之
十婦妾不驛珠玉
之奢孤女以嫁男成
詳以法水久碩人今
承凶萬里不往而留涕

祭吳冲卿文

王 安石

嗚呼公命在酉長我一時公先我茁我後公萎中間仕
臣有合有離後我所踐公輒仍之出則交轡處則連轡
坐肘則並行肩則羞豈願敢及天寶我貽公之傳著及
所設施有誥有誄亦有銘詩又將有史傳所不疑我既
憊耗向辭能為婚姻之故唯以告悲

祭杜待制文

王 安石

士恥無材恥不脩身身脩而材有不及民几世可願於公皆有孰窘其年不使難老者善防其有孰窺公心豁豁不置燭帷有披易驕不難拒善公義所在服之無賤惟以時施宜以每成又況於公強果以行物貴於時常以其少悲矣子思我如其父鐘山北蟠江落而東完厚家率萬世之宮其歸孰知愚與在此酌公以文以配銘史

宋文鑑卷第一百三十三

宋文鑑卷第一百三十四
祭文

祭韓欽聖文	王	安石
祭曾博士文	王	安石
祭王深甫文	王	安石
祭歐陽少師文	曾	鞏
祭王平甫文	曾	鞏
祭歐陽文忠公文	蘇	軾
祭魏國韓令公文	蘇	軾
祭任師中文	蘇	軾
黃州再祭文與可文	蘇	軾
祭范蜀公文	蘇	軾
祭歐陽文忠公夫人文	蘇	軾

祭王和甫文	田	晝
祭范德孺文	畢	仲游
祭陳了翁文	游	酌
祭程伊川文	張	繹
祭鄭庭誨文	毛	滂
祭韓欽聖文	王	安石
祭王樞密文	張	舜民
祭范忠宣公文	陳	瓘
祭呂申公文	鄒	浩
代祭劉貢父文	曾	肇
代范樞密祭温公文	曾	肇
祭彭江州文	曾	肇
祭知命弟文	黃	庭堅
為家君祭呂申公文	程	頤
再祭亡兄端明文	蘇	轍
祭柳遠文二首	蘇	軾
祭滕大夫毋揚夫人文	蘇	軾
頴州祭歐陽文忠公文	蘇	軾

嗟為君兮邦之特目揚秀兮顏髮四浮紛百家兮並涉起
獨懷兮道德博蕩蕩兮無畛寬恂恂兮莫逆出當官兮
發論使權彊兮累息年何尤兮止此祿不多兮誰嗇具
壺觴兮酌哭登喪車兮啓及山豈獨秋兮吾僚隱多聞兮
諒直顧笑語兮已矣莫來嘉如兮竟自鬼

祭曾博士文
王 安石

嗚呼公以罪廢實以不幸卒困以天亦惟其命命與才

違人實知之名之不幸知者為誰公之閭里宗親黨友
知公之名於實無有嗚呼公初公志心如何孰云不諧而
厄孔多地大天穹有時而毀星日眩敗山傾谷圯人居
其間萬物一偏固有窮通世數之必然至其壽夭尚何憂
喜要之百年一蛻以死方其生時君若囚拘其死以歸
混合空虛以生易死死者不祈唯甘共不見生者之悲公
今有子能隆公後惟彼生者可無世世悼嗟理則然其情
難忘哭泣馳辭往侑奠觴

祭王深甫文

王安石

嗟嗟深甫真棄我而先乎孰謂深甫用之壯以死而吾可
以長年乎雖吾昔曰執子之手歸之子之所為實受命
于吾母曰如此人乃與為友吾母知子過於予初終子
成德多吾不如嗚呼天子既喪吾母又奪吾友雖不即
死吾何能久搏曾一慟心摧志朽泣涕為文以薦食而
嗟嗟深甫子尚知否

祭歐陽少師文

曾鞏

惟公學子為儒宗材不世出文章逸發醇深炳蔚體備韓
馬思兼莊屈垂光簡編焯若星日絕去刀尺渾然天質
辭窮卷盡含意未卒讀者心醒開蒙愈疾當代一人顧
無儔匹諫垣抗議氣震回漏鼓行無前跋囊非恤世為
難勝孤堅意空紫微玉堂獨當大筆二典三謨生明藏
室弥挫弥厲誠純志壹斟酌損益論思得失經體慮萌
沃心造膝帝曰汝賢引登輔弼公在廟堂尊明道術清
靜簡易仁民愛物斂不煩苛令無迫猝摟置木索里安
戶逸擯斂兵革天清地謐日進昌言從容密勿開建國
本情忠方悉叩未之歲龍駕燭燄再極大艱垂紳秉笏

乾坤正位上下有秩功被社稷等夷召畢公在廟堂總
持紀律一用公直兩忘猜疑不挾朋比不虞訕謔獨立
不回其剛屹屹愛養人材獎成誘掖甄拔寒素振興滯
屈以為已任無有廢弗維公平生愷悌忠實內外洞澈
初終若一年始六十懇辭冕黻連章累歲乃俞所乞放
意立樊脫遺羈鞅沉浸圖史左右瑟瑟之氣志浩然不陋
蓬蒿意謂百齡重休累吉還幹鼎軸贊微計密云胡頽
殂慙遺則弗聞計失聲皆淚橫溢顛宜不敏早蒙振拔
言辭公誨行錄公率戴德不酬懷情獨鬱西望輕重莫
持紉緋維公榮榮德義讓述為後世法終不泯沒記辭
叙心曷能髮髯嗚呼哀哉

祭王平甫文

曾鞏

嗚呼平甫決江河不足以為子之高談雄辯吞雲夢不

足以為子之博聞強記至若操紙為文落筆千字俯
恣肆如不可窮秘惟恍惚亦莫之係皆足以高視古今
桀出倫類而況好學不倦垂老愈專自信獨立在約彌
厲而志屈於不伸材窮於不試人皆付子以將昌神胡
速子於長逝嗚呼平甫余昔相逢我莊子稚間託婚姻
相期道義每心服於超軼亦情親於樂易何堂堂而山
左忽泯泯而颯賦計皎皎而猶疑淚沈沈而莫制聊寓
薦於一觴纂斯言而見意

祭歐陽文忠公文

蘇軾

嗚呼哀哉公之生於世六十有六年民有父母國有耆
龜斯文有傳孝者有師君子有所恃而不恐小人有所
畏而不為譬如大川喬嶽不見其運動而功利之及於
物者蓋不可以數計而周知今公之沒也赤子無所仰

比朝廷無所措疑斯文化為異端而李者至於用夷君子以為無與為善而小人沛然自以為得時譬如深淵大澤龍亡而虎逝則變怪雜出舞鱷鱓而號狐狸昔其未用也天下以為病而其既用也則又以為遲及其釋位而去也莫不異其復用至其請老而歸也莫不惆悵失望而猶庶幾於萬一者幸公之未衰孰謂公無復有意於斯世也奄一去而莫予追豈厭世溷濁繫身而逝乎將民之無祿一而天莫之遺昔我先君懷寶遁世非公則莫能致而不肖无狀因緣出入受教於門下者十有六年於茲聞公之喪義當匍匐往救而懷祿不去愧古人以忸怩絀詞千里以寓一哀而已矣蓋上以為天下慟而下以哭其私嗚呼哀哉

祭魏國韓令公文

蘇

軾

天生元聖必作一人配有神司之不約而會既生堯舜禹稷自至仁宗北飛公舉進士妙齡秀發秉筆侍公於是時仲舒賈誼方將登庸盜起西夏四方騷然帝用不赦授公鈇鉞使督西旅公於是時方叔召虎人贊兵政出殿大邦恩威並行春兩秋霜兵練民安四夷屈降公於是時臨淮公切陽帝在明堂欲行王政羣后奏功罔底于成召自北公付之樞衡公於是時蕭曹魏邴二帝山陵天下悽怛呼吸之間有雷有風有存有亡有兵有戎公於是時伊尹周公功成而退三鎮偃息天下嗷然曷日而復畢公仕外心在王室房公且死征遼是郵嗚呼哀哉六月甲寅更人之無祿喪我宗臣我有黎民誰與教之我有子孫誰與保之魏魏堂堂寧復有之公之云云我無日矣慟哭涕流何堪及矣昔我先子没于東京

公為二詩以相其行文追與誥論極望王公言一出孰
敢改評施及不肖特以國士非我自知公實見謂父子
昆弟並出公門公不責報我豈懷恩惟此涕泣寔哀斯
人有肉在俎有酒在樽公歸在天寧問我言嗚呼哀哉

祭任師中文

蘇軾

允義大夫維蜀之珎詩之老成易之丈人去我十年其
德日新庶一見之遽沒元身惟慙與軾匪友則親自丙
以降昔惟州民旅哭于庭側焉酸辛禍福之來孰知其
因自壽自夭自屈自信天莫為之矧凡鬼神生榮死哀
自昔所難持此令名歸于九原

黃州再祭文與可文

蘇軾

嗚呼哀哉我官于岐實始識君方口未刀眉忠信而文志
氣六剛談詞如雲一別五年君譽日聞道德為膏以自

濯者藝學之多蔚如秋實脫口成章祭莫可耘騁騁百
家錯落紛紛使我羞歎筆硯為焚再見京師默無所云
香兮清深落其華之公且孰我黍今孰其饋啜瀉歌呼得溥
而醺天力自然不施膠筋坐了萬事氣回三軍笑我皇
皇獨遠垢紛俯仰三州眷戀祭初仁施草木信及糜麴
昂然來歸獨立無羣俛焉復去初無戚欣大哉死生懷
愴焉君君沒談笑大鈞徒勤喪之西歸我竄江濱何以
薦君採江之芹相彼日月有朝必曛我在茫茫凡幾合
分盡此一觴歸安于墳嗚呼哀哉

祭范蜀公文

蘇軾

嗚呼仁宗在位四十二年睦一而種之有得皆賢既歷三
世悉為名臣今如晨星存者幾人孰如我公碩大光明
導日而昇燦焉長庚死生契闊公獨壽考天實貴者之以

殿諸老二聖嗣位仁義是施公昔所言略行無遺維樂
未和公寢不寧樂成而薨公往則頤凡百君子願公無
極胡不萬年以重王國責難之忠愛莫助之嗟我後來
誰復似之吾先君子秉德不耀與公弟兄一日之少窮
達不齊歡則無間豈以間里忠義則然先君之終公時
在陳霄夢告行晨起計聞先友盡矣我亦白髮聞公之
喪方食哽噎堂堂我公豈其云亡望公凜然猶舉我觴

祭歐陽文忠公夫人文

蘇

軾

嗚呼文忠之薨十有八年士無所歸散而自賢我是用
懼日登師門既友諸子入拜夫人望之愀然有穆其言
簡蕭之肅文忠之文雖無老成典刑則存何以嗣之使
世不忘諸子惟迨好學而剛夫人實使兄弟吾孫徼福
文忠及我先君出守東南往違其顏病不能見卒以計

門自斂及葬魄莫莫親匪愧于今有覩昔人寓詞千里
侑此一樽尚享

潁州祭歐陽文忠公文

蘇

軾

嗚呼軾自齟齬以季為嬉童子何知謂公我師畫誦莫
文夜夢見之十有五年乃克見公公為拊掌歡笑改容
此我輩人餘子莫君美我老將休付子斯文再拜稽首過
矣公言雖知其過不敢不勉契闊艱難見公汝陰多士
方譁而我獨南公曰子來實獲我心我所謂文必與道
俱見利而遷則非我徒又拜稽首有死無易公雖云亡
言如皎日元祐之初起自南遷叔季在朝如見公顏入
拜夫人羅列諸孫敢以中子請婚叔氏夫人曰然師友
之義凡二十年再升公堂深衣廟門垂涕失聲白髮蒼
顏復見穎人穎人思公曰此門生雖無以報不辱其門

清潁洋洋東注于海我懷先生豈有涯哉

祭滕大夫毋楊夫人文

蘇

軾

嗚呼士成慶曆如漢武宣用兵西方故西多賢惟時滕公實顯于西文武殿邦尹范是齊功名不終有命有義我時童子知為公喟四十餘年墓木十圍乃識其子傾蓋不疑忠厚且文前人是以秉心平反慈訓則尔仰止德人如岡如陵升堂而拜猶愧未能豈其微疾一慟永已胡不百年以慰其子壽祿在天考終非亡鵲巢之應子孫其昌

祭柳仲遠文二首

蘇

軾

嗚呼哀哉我生多故愈老愈艱親朋幾人日代日遷逝者如風計來逾年一慟海徼摧眉破肝痛我令妹天獨與賢德如召南壽甫見孫矧我仲士遜孝友恭温天若成

之從政有聞富以學術又曰以

而不試理豈其然

崎嶇有求凡以為親雖不負米實勞且歎知止于此不知歸闕哀我孤甥生如閔顏銜痛遠訴誰撫誰存逝者已矣存者何究慎勿致敗以全汝門以慰我仲遠永歸之竟嗚呼哀哉我厄于南天降罪疾方之古人百死有溢天不我亡亡其朋戚如柳氏妹夫婦連壁云何兩逝不憇遺一我歸自南宿草再易哭墮其目泉壤咫尺閔也有立氣貫金石我窮且老以舅何益易其墓側可置萬室天定勝人此語其必

再祭亡兄端明文

蘇

軾

嗚呼惟我與兄出處昔同幼學無師先君是從遊戲圖書寤寐其中曰予二人要知是於後迫寒飢出仕于時鄉舉制策並驅而馳猖狂妄行誤為世羈始以是得終

以失之兄遷于黃我竄于筠流落空山友其野人命不
自知還復簪紳俛仰幾何寵祿如臻欲去未遑禍來盈
門大庾之東漲海之南黎蜺雜居非人所堪瘴起龍帷
颺來振簷卧不得寐食何暇甘於是七年雷雨一覃兄
歸晉陵我還潁川願一見之乃有不然瘴暑相尋醫不
能痊嗟兄與我再起再顛未嘗不同今乃獨先嗚呼我
兄而止斯耶昔始官遊誦韋氏詩夜兩對床後忽有違
進不知退踐此既機欲復斯言而天奪之先壟在西老
泉之山歸骨其旁自昔有言勢不克從夫豈不懷地雖
鄰鄔山曰峨眉天實命之豈人也哉我寓此邦有田一
廛子孫安之殆不復遷兄來自西於是盤桓卜告孟秋
歸于其阡潁川有蘇肇自兄先

為家君祭呂申公文

程頤

嗚呼公稟則異得天之粹邁茲昌辰出為嘉瑞生而富
貴處之無累幼而聰明充之能至學既知真仕則為道
出入屢更險夷一操二聖臨御人望是從起藩入輔命
相再公平日視公靜默恂恂國論所斷一言萬鈞謂公
無位位為相臣謂公得志志存未伸然公心如權衡所
以無間言於率土德如山嶽所以致敬心於人主從容
默之間人孰量其所補胡上天之不弔不一老之愁
遺淵水無涯將孰求於攸濟百身莫贖為有識之同悲
嗚呼哀哉羸老餘生辱知有素二男論忘勢之交不偶
無酬知之路阻臨允以伸哀姑託文而披露想英靈兮
如在監丹誠而來顧

祭知命弟文

黃庭堅

君歿荊州我在萬里歿後四月始聞計音既無孤惻恃

有兄弟天既喪我君不能年自我哭君頭髮盡苦英風
豪氣塞此一棺拊棺長號殆無生意公私之計身有所
縻既難以歸舟車可慮乃得吉十旅殯僧坊雖遠至親
理則安寔無驚無恐扶將上輿絕慟一觴其君尚饗

祭彭江州文

曾

肇

嗚呼器資忽不見其安之乎孰為天生斯人而止於斯
乎人固忌子之獨立天亦責子之不詭隨乎不然何以
壽不躋於六十位不過四品卒泯默而無施乎嗚呼器
資凡世可貴學問文章言語政事有一于茲足高士類
而况居今行古蹈義依仁衆人所趨而視若無有舉世
所肯而仔有以身陷穽當前而不避曾何得喪之足云
此固聖賢之自任豈止度越於時人至若孝友著於閭
門信義行於鄉閭處榮悴而無虧死生而無虧臨死生

而不亂可謂內外全德始終

貫實橫流之砥柱宜大

厦之棟幹柰何道未行於當

福求及於生靈忽飄流

於下國遂天闕於脩齡去此

昭昭即波冥冥有志不就

銜恨泉扃惟自立之卓偉亘

禹世如日星彼一時之苟

得譬熠燿之與長庚嗚呼器

資未俗陵遲朋友道熄許

與之分切瑳之益衆皆訑訑

丁獨汲汲我生昏愚與世

殊適惟子好我論心莫逆我

先我後子為羽翼我有過

咎子為藥石子今云亡有善

誰責豈無他人莫如子直嗚

呼器資念昔太學相從之初

綉繆繆二十餘年中間

省闈並典贊書出入風議惟

子子俱子如飛賞豈受帶

拘有言不用去不頌更我亦

道讓自請州符跡有垂隔

心焉弗殊去歲京城子留我

北中情莫宣相視默默我

行未幾子亦南遷孰云契闊

曾不經年尺書未達已隔

終天寢門一慟有淚如泉嗚呼器資子計之來我適罪
逐相念平生了然在目匍匐欲往身有羈束千里寓辭
以代號哭

代范樞密祭温公文

張表

嗚呼天祚有邦昇之元龜篤生我公為世父師夷齊之
清淵騫之德子產之惠叔向之直人擅其一足以成名
公兼衆德乾乾不寧九流百家金匱石室鈎索沈隱裁
其失得根柢治亂經綸皇極下為文章有書秩秩云圭
夫裘望之肅然冬暘夏冰赴石爭先仁英兩朝鏗鏗厥
聲國有正人折茲于萌荏染祭木求直於繩我公盡規
君心則寧烈烈神考躰貌有德公獻有可巖巖翼翼言
有未用不敢受爵深衣幅巾即休於洛公則休矣四方
顛顛君子野人泊于他邦聞風懷歸于父于兄天施不

齊或怨寒暑公獨何施四海一譽元豐末年國有大事
穆穆文母宥我神嗣爰立作相媚于神人我公在庭其
重萬鈞士賀于朝民歌于廛農慶於野兵休於邊燠爾
慄寒養其飢尋無瘠于飢無休于田培其本根枝葉則
茂豈曰我作憲章惟舊於赫聖考左右上帝休公子家
實遺聖子卷耳思賢夙夜周京不惑不疑成此太平公
之去來人之戚嬉人之戚嬉帝之從違豈人事耶天實
為之純仁不才辱公之深入之相知貴相知心惟公我
知洞達表裏采其所長謂或可使申結義好丘山不移
匪我則然公實取之泚泚清洛獨樂之園嘉華春專脩
竹夏寒清酌脩然我招我從琅琅嘉言有銘在躬朝偶
之人備位樞機入與國論獲親風規六七年間為益不
貲私祈白首從公以歸憂勞傷生公既進疾庶幾有瘳

宰相王室國祠既誓公以喪聞我心之悲不獲至門入
哭于室公既大斂終天之情不一見面人生有死如旦
夜耳曾子將沒知免而喜公身既脩公志既畢既壽令
終無有其失有如公者古今萬一任重道遠稅駕茲日
庶幾念此以紓我悲猶有鬼神宜聞我辭

代祭劉貢甫文

張 耒

嗚呼子之強學博敏超絕一世故非自載籍孔墨百氏太
史所錄俚問野記延及荒外陰助鬼神細六萬殊一載
以身下至律令老吏所疑故事之舊章在廷不知有問於
子歸始得師直貫旁穿水決矢邪一時書林衆俊並馳
滿堂賢豪視子塵揮逸足奇毛不受縛羅擯守列郡吏
民畏思治盜寇胸不事誅斬他蔽見欺子愛不犯中斥
于南人憂子怡歸來白首晚職訓詞子之來歸亦既疾

病惟其精明猶足以永誰云如子竟止斯耶國失君子
善人之嗟方其盛時弛不得張亦既有遭而蟲豸強誰
與子仇敗子百世雖然今日竟何有亡惟我與君同年
進士中以婚媾兼恩義平生笑談擗席安喜其當在
耶臨此酒哉

祭張生文

張 舜民

嗚呼學者所以去鄉里離父母妻子甘淡薄盡勤勞繼
晝夜而不息者知患其道之不至而不患乎身之不安
也身安可以學道知愛其道以亡其身亦蔽之深者也
而吾子既死矣其知之乎否耶然諫爭之臣死於朝廷
疆場之臣死於敵國吾子死於庠序其志一也有雖凶
而無咎者吾子之謂乎嗚呼吾子年猶未壯敏而好學
死乎數千里之外母老而失所養妻寡而失其養晚節

末路委為窮人天道固如何哉是可悲也已

祭王樞密文

張

舜民

夫物有自小而致大積卑而致高唯豫章之材數年而
過百尺騏驎之足一日而馳千里黃河發源而注海太
華拔地而參天與夫命世之英特起之士布衣負公輔
之望小官蘊廊廟之器一旦遭時遇主建功立業奸邪
望風而屏息賢者引類而彙征朝廷以之治安禮樂由
是興起則豈特豫章騏驎黃河太華之比也其公之謂
乎唯公少而居家則膺令名長而出任則有公望乘時
設施自州縣之卑數年之間致位一府危言大節獲動
天下之耳目明而可見者著以為甲令隱而不露者杜
患於未形披榛攘棘正路廣開大奸雄對束手竄身歷
觀先世以來固有以兵武而克禍亂定冊而安邦家者

盜皆塗炭驅除糜爛而後止曾未若雍容於簾箔之前
啓迪於方幅之內興利除害如醫者以毫芒之鍼刀圭
之藥愈膏肓沉痾之疾不知其工妙之端也宜其天下
為之矚目二聖謂之有功孟子自謂放淫辭詎諛行以
承三聖程公之力較公之才固不在孟子之下然才高
則多嫉位隆則招殃曾不旋踵讒言遽興未及中年百
疾交作二聖方隆之眷而有去亡之嘆八十待養之親
而嬰哭子之情善人堂堂擯死略盡為國家者將何賴
焉始猶疑之人事今日乃知天極自天復何言哉嗚呼
公之存不能共致其力公之歿不能一哭其門徒然予
知有愧古昔遺詞揮淚雪乎敢哉

祭范忠宣公文

陳

堉

昔文正公在仁相時忠於謀國衆正所依心虛而明

照了不疑先事而慮有加者龜兩遭劫擄益奮而不移外
禦元昊數蹈禍機國勢無安奚恤我危考公行事允也
似之安不擇地難不敢經至於言兵則曰不知豈曰為
異各遵其時不迷其跡早乃無違三年遽改生事者誰
蔡相南行公獨救之一勝一復其兆在茲公可以默又
進忱辭人亦有言公爾忘私孰能臨義捨安取危一斤
四年旨廢始歸天子哀悼拜命涕洟其心不盲意欲有
施人願公留為帝龍夔疾不能對人所嘆咨天子曰呼
疾尚可為錫以上劑臨遣國醫丁寧訓飭速療勿遲云
何不淑竟止於斯嗚呼哀哉公果已矣舉世思公公不
來矣人之於公有合有睽聞公之歿睽者亦悲情隔生
死公論乃出悲公之人始自今日臨終不昧忍死有述
小其一身大我王室置小恤大自初訖終可使聞者勸

而作忠太宗征遼喬岳不忘心之所慮奚獨一方願惜
生靈願合朋黨願為一旦仁一洗誣謗願正其事願辨其
人願以中道行帝之仁嗚呼哀哉言惟心聲孰無此聲
孰有此誠神器雖大如人之形愛養胃氣可以保生陽
明之經編於四卦呼一吸之間無有不差在絡連右首脉
應趾中經流行寧有定位彼執一者弃異取同異我曰
偏同我曰中語各有心心各有物孰能審是而不彼恤
公獨有言繼者誰乎公憂我悲豈緣葭葦公昔南遷我
在北陞側身以望心往從之及公之還我有言責陳留
雖近欲往不得平生想慕獨未識公見公之心何必形
容文正歿後公又亡矣仲季方與公復有子其門益大
其道益光公可無憾我亦奚傷

祭呂申公文

鄒浩

天祐王上篤生我公來對休運爲今大鴻面槐執壁啓
心而恭衆方窘迫公獨從容爰有因革論起如蜂公徐
一言翕然以從事已而默終日斂躬若無所與莫測曾
中但見百官上下以功但見四夷事書以同但見田野
年穀以豐流離者復惟悴者充白顛黃馘端見兒童爰
笑爰語涵詠時雍朝廷益尊勲業益隆殊元俊偉益振
家風人亦有言孰不薦紳維公秉國始爲有臣人亦有
言孰不是似維公肯構始爲有子竊惟公初信非凡人
情不聲色孝不空文西山之清孟軻之醇德盛行高孰
與擬倫如古寶器如時慶雲世獲覩者倍萬惟欣所以
施設如前所陳公昔去位君子但傷比登三事交賀壺
觴宜其昊天俾壽而康曷爲不仁禍降非常兩楹入夢
中台堦光歲值龍蛇濠爾云亡業爰大厦摧其棟梁爰

自二聖遠極八荒知與不知失聲沾裳顧如某者頃在
廣陵辱公青眼收之門庭豈徒應格薦其姓名每及人
物猥賜題評遂令踈賤聞于公卿重念參侍屏息人後
未嘗請問敢祈公售爾來日月不爲不文文章工乎問
學正不公竟不問不考其有若爲憐之久而益厚仰惟
此恩山嶽在首吉十伊邇將舉神隱義當捨官躬設雞
酒願莫之遂視古則醜寓茲一奠以昭不苟公騎箕尾
寧來欽受

祭王和甫文

田 畫

惟公心符於跡實稱其名包含蘊蓄見於力行頃在并
府參詳機務韓侯于宣城彼西土發民四萬以踵其武
將臣依違莫敢或悟公曰不然深入賊所師干之用茲
亦焉取振旅言旋書可挿羽毋空我師抵以饋虜我言

有成帝用嘉止陟於陪屬亦既顯仕士有險虜實入危
機媚彼技能授於文詞童謦孺過羣舌毛起公獨營之
卒免於死明明天子從諫如流爰屬星變直言是求敢
謂臣隣不臧其謀厚斂竭作變則有由擢尹王畿剖煩
折微游刃若驕風颯雲飛曾未百日徃犴告空夷人駭
觀邦史奏公遺書上變蔓延無辜公摘其姦弼於須臾
丘封萬計終以不徒請師文王掩骼埋醜乃發蒐惡乃
治強梗貴幸側目權豪斂衽遂躋承轄天子是毗正人
所倚細民所勝有夏多罪天命徂征鼠奔鳥竄師老干
行 皇帝震怒載整其旅簡期授材恢我疆圉內焉
鄉士噤不一語外焉方鎮則惟所舉公力如虎公乃有
陳豈不來威眷此下民 皇帝曰都汝惟可信一言
罷師天子神聖其惠伊何曰蠲其逋其怨伊何曰緩其

獄忠烈允著仁風載穆孰是勲庸而不公屬法吏沾沾
吹毛刻骨陵藉衣冠孤軀承突有如公者致於彈文竟
坐焚墨廢其終身卑俸向在下實公貽恥勿俾埋沉式穀
以位職反截截心折瞻落嫉公居中肆是讒譎出領大
邦曰昇與青周旋揚晚殿于并政尚寬大存鰥弔嫠
肆靖我境其隱如城公在帷幄恩威延延彼蠢者羌毋
敢犯邊施及卒伍以至降虜祝公百年稽顙蹈舞胡為
遇疾奄見殂歿疇昔起之以定王國於皇聖君誰適謀
矣哲人云亡梁木墮矣蚩蚩之眩靡所依矣街祭巷泣
嗟何及矣絕昔不肖往官江濱龍襄鳳翥始見偉人平
生知己世無擬倫執手上堂得於遠巡匪惟知之抑又
存之保釐我躬燕及其私自時契闊亦復流離川塗阻
越夢寐懷思旌旆北來言適太鹵迎拜霍立笑言如故

恩斯閔斯公意愈隆引真幕府獻壽從容謂公壽康歸
相天子乃今真聲采頌委大明在上品物在下魏魏
堂堂遽即長夜我心傷悲公葬有期念非古人懷祿在
茲旒車鬣與公永違致彼溥奠有愧公知嗚呼哀哉

祭范德孺文

畢

仲游

曩歲識公靈武之城公貌既偉公氣亦英黃河滸海間
關共行公矜我戇我知公誠遂同夷險期以死生其後
公顯鏗錫有聲既顯而貴隱然人名帥慶帥廷帥熙帥
并武夫悍卒怖若雷霆軍師老將心服其靈屬難聽命
甘從使令四路十年不知有兵及公伊洛以嚴輔明下
教既悉擿伏亦精洛城萬室千里為的家家畏公如公
是隣宿茲巨猾鬼虺論繫斷取捨莫知其因遂皆斂
手以公為神凡人之情情僥倖苟得公獨裁之如穴被塞

凡人之情好寬喜逸公獨檢之規矩繩墨宜其不憚而
以為病乃獨懷公式歌且詠豈其施設遠而難窺人樂
其大而忘其私不然則公不足為奇矧公門戶奕世顯
榮太師為父相轉為元公又崛起吸噤崢嶸宜繼三人
秉國之成而公一廢一有八齡公廢于家匪公匪卿二
邊倚重猶如長城人言公復士夫倏興人言公用夷虜
震驚公復之日萬耳出日傾復未之用公而已嗚呼哀
哉吉人今喪矣留中之奇包而往矣威名氣像豈可為
矣予末小生將何依公矢慟哭于野出相送矣追念平昔
恍如夢矣嗚呼哀哉

祭陳了翁文

游

醉

嗚呼陳公萬夫之傑六虛無塵心疑知徹經綸大猷如
挈裘領袖知幾先眇綿作炳慮遠而知者疑言危而弱

者整身龜有稽可觀而省嗚呼陳公知事道而已不知
鼎鑊之臨其顛也知徇國而已不知蹈棄之橫其前也
阨之白首而氣愈和感之死地而志愈堅處約彌久妻
孥裕然畎畝念忠頂踵利物人疑其為墨平生拯飢任
重一身吾知其為稷行道之人聞者心掣意者天將降
之大任而空之其身耶意者吾君將追念其篤誠發獨
斷而收之以澤斯民耶嗚呼孰謂流離川途遭迴萬狀
而論於淮楚之濱耶嗚呼孰謂謀可以託心膂力可以
任股肱而志願卒不伸耶浩浩元精慘不知其因耶歲
首之書後計而達執書一慟骨驚心折嗚呼陳公蓋將
有哲人能盡知而賢之有志士能慷慨而言之有仁人
能經紀其家而存之有良史能具載其實而傳之區區
鄙詞曷足以涉其流一而訴其源乎寓奠一觴聊薦悃悃

東望傷懷淚落橫臆尚饗

祭程伊川文

張

經

嗚呼利害生于身禮義根于心伊川此心喪于利害而
禮義以為虛也故先生踽踽獨行於世衆乃以為迂也
維尚德者以為卓絕之行而忠信以為乎也立義者以
為不可犯而達權者以為不可拘也在吾先生曾何有
意心與道會冥然無際無欲可以徐羈兮自克者知其
難也不立意以為言兮知言者識其要也德韜如毛毛
猶有倫無聲無臭夫何可親嗚呼先生之道不可得而
名也伊言者反以為病兮此心終不得而形也維太山
以為高兮日月以為明也春風以為和兮嚴霜以為清
也在昔諸儒各行其志或得乎數可觀乎禮學者賴之
世濟其美獨吾先生淡乎無味得味之真死其乃已自

我之見七年于茲含孕化育以蕃以滋天地其容我兮
父母其生之君親其臨我兮天子其成之欲報之心何
日忘之昔先生有言見乎文字者有七分之一心繪乎冊
青者有七分之儀七分之儀固不可益七分之一心其猶
可推而今而後將築室于伊洛之濱望先生之墓以畢
吾此生也嗚呼夫子然而微言絕則吾固不可得而聞
也然天不言而四時行地不言而百物生惟與二三子
洗心去智格物去意期默契斯道在先生為未亡也嗚
呼二三子之志不待物而後見先生之行不待誅而後
徵然而山頽梁壞何以中可情淒風一奠敬祖于庭百年
之恨并此以頌

祭鄭庭誨文

毛

滂

百梁鬱然上有佳氣下走清湍昔聞異人相携盤桓寥

寥至今漁樵所安尚意山間人必有異一乃君廬長廊
甲第記初識君在稠人中孤能傲兀知一不可籠一見傾
蓋定交尊俎豈唯姻聯氣則相許予才固昔寡諧於世
所賴得君差疆人意奮然高談氣蓋一亦生有非吾曹瞻
目欲唾君真偉人秀眉奇狀使當卒學仕必人上退託
於酒日飲亡何羽衣岸巾枕麴而哦小詩立成晚更婉
熟不樸不園元和賸馥揮金如土結客如市遠韻脩然
形骸之外名利之徒其隘如髮敗意苦心十居七八開
口一笑人生能幾君醉不知笑以沒齒君年不足行樂
則過胡用百憂齒搖髮墮囊中西征相酌以酒酣歌悲
壯起舞為壽予為此別行當來歸當益釀酒從君傲嬉
予歸酒熟君不復臨有佳風月如聆車音薦酒君堂予
目眩然呼君不聞是豈醉眠

宋文鑑卷第一百三十四

